

## مُنافقت تُوں بچنے نی ہدایت

12<sup>1</sup> اتنے وچ بھوں سارے لوک اِکٹھے ہوئی گئے  
اتھے تک کہ او اِک دُوئے اِپر ٹھہین لگی پئے۔

حضرت عیسیٰ اپنے صحابیاں کی مُخاطب ہوئی کے  
فرمایا، ”خبردار! فریسیاں نے خمیر تُوں بچو، یعنی اُنہاں  
نی مُنافقت تُوں۔<sup>2</sup> جیہڑا کُجھ وی چھپیا وا اے، او ظاہر  
کیتا جاسی، تے ہر گل جیہڑی چھپی وی اے اُس نی خبر  
ہوئی جاسی۔<sup>3</sup> جو کُجھ تُساں رات نے نہیرے وچ آخیا،  
او دیہاڑی ویلے لوئی وچ لوکاں اگے بیان کیتا جاسی۔ جو  
کُجھ تُساں بند کمریاں وچ کُسے نے کئے وچ آہستہ جیا  
آخیا، او کوٹھیاں اِپر کھلی کے لوکاں کی سُنایا جاسی۔“

## کیہڑی ہستی تُوں ڈرو

4 ”اِس واسطے سنگیو، میں تُساں کی اے گل آخٹا آں  
کہ جیہڑے تُساں نے جسم کی ماری سکٹے اُن، پر ہور  
تُساں نا کُجھ وی نی بگاڑی سکٹے، اُنہاں کولوں مَت  
ڈرو۔<sup>5</sup> میں تُساں کی دستاں آں کہ کُس کولوں ڈرنا چاہی

نا اے، اُس کولوں ڈرو جیہڑا مارنے تُوں بعد تُساں کی دوزخے نی اگی وچ وی سٹی سکٹا اے۔ اِس واسطے میں اِک واری فرِ آختا اِن کہ صِرف اُسے کولوں ڈرو! <sup>6</sup> اِک چڑی، اِس نا کئے مُل ہونٹا؟ فرِ وی اللہ تعالیٰ کی او نی پُہلٹی! <sup>7</sup> بلکہ اللہ تعالیٰ تے تُساں نے سِرے نے بال وی گِٹنا اے۔ اِس واسطے ڈرو نا! اُس نی نظراں وچ تُساں نی قِیمت بہوں ساریاں چڑیاں کولوں وی زیادہ اے۔“

### حضرت عیسیٰ نا انکار نا کرنا

<sup>8</sup> ”یقین کرو کہ جیہڑا کوئی لوکاں نے سامنے مہاڑا اِقرار کرسی، اِبِنِ اِنسان یعنی کہ میں وی اللہ تعالیٰ نے حضور فرِشتیاں نے سامنے اِسے طرح کرساں۔ <sup>9</sup> پر جیہڑا کوئی لوکاں نے سامنے مہاڑا اِنکار کرسی، اللہ تعالیٰ نے فرِشتیاں نے سامنے اُس نا وی اِنکار کیتا جاسی۔ <sup>10</sup> اِس تُوں علاوہ کدے کوئی بندہ اِبِنِ اِنسان یعنی کہ مہاڑے خِلاف کُجھ آخے، تے فرِ اُسی معافی لبھی جاسی۔ پر کدے کوئی بندہ رُوح پاک نے خِلاف کُفر کرے، اُسی معافی نا لبھسی۔“

11 یاد رَحو! لوک تُساں کی مہاڑی وجہ تُوں عِبادت خانیاں  
 وچ قاضیاں کول، تے حاکماں تے بادشاہواں کول وی  
 گھڑسٹن۔ جس ویلے تُساں نی پیشگی ہووے تے اِس  
 گل نی فِکر ناں کرو کہ ”اساں گے آخاں؟“ یا ”کِسرَح  
 جواب دیاں؟“۔ 12 کیئانکہ جو کُجھ تُساں کی آخٹا  
 ہوسی، رُوح پاک اُسے ویلے تُساں کی سِخائی شوڑسی۔“

### بے وقوف امیر نی مثال

13 فِر اِسرَح ہویا کہ لوکاں وچوں کُسے حضرت عِیسیٰ  
 کی آخیا، ”حَضُور، مہاڑے پَہراؤ کی آخو کہ وراثت  
 وچوں مہاڑا حِصّہ مِکی دے۔“ 14 اُنہاں فرمایا، ”او سَنگیا،  
 مِکی تُساں نا تقسیم کرنے آلا تے جَج کِس بٹایا اے کہ  
 تُساں نی وراثت بَنڈاں؟“ 15 فِر حضرت عِیسیٰ ساریاں  
 لوکاں کی مُخاطب ہوئی کہ آخیا، ”خبردار! اپٹے آپے  
 کی ہر طرح نی لالچ تُوں بچائی کہ رَحو، کیئانکہ بھوں  
 زیادہ مال نرے ہوئے نال اِنسان نی زندگی نی بٹنی۔“

16 فر انہاں اِک مِثال دَسّی، ”کُسے امیر بندے نی زیمی وچ بھوں زیادہ فصل پیدا ہوئی۔ 17 اے گل تکی کے او سوچن لگا، ’اتنی زیادہ فصل سنبھالنے واسطے مہاڑے کول جغہ نی۔ ہن میں گے کراں؟‘ 18 اُس سوچیا، ’اِسرَح کرنا آں کہ انہاں گوداماں کی ٹھائی کے انہاں نی جغہ نوے بڑے گودام بٹاٹا! انہاں وچ میں اپنا سارا مال تے فصل رَحساں۔ 19 فر میں اپنے دلے وچ آخساں، ”تہاڑے کول بھوں سارا مال اکھٹا اے، جیہڑا کہ بھوں سالاں تک رسی۔ ہن کھا پی، آرام کر، تے خوش رہو۔“ 20 پر اللہ تعالیٰ اُس نیاں گلاں سُٹیاں تے آخیا، ’بے وَقُوفَا! تُوں تے آج راتی ہی مری جاسیں۔ فر اے سارا کُجھ جیہڑا تُوں اپنے واسطے جمع کیتا، کِس نا ہوسی؟‘ 21 فر حضرت عیسیٰ فرمایا، ”بَلْکُل اِیْئے جھیا ہی حال انہاں لوکاں نا ہوسی جیہڑے مال و دولت تے جمع کرنے وچ لغے رہے ان، پر اللہ تعالیٰ نی نظر وچ مالدار نی۔“

## ضرورتاں واسطے پریشان ناں ہویا کرو

22 فر حضرت عیسیٰ اپنے صحابیاں کی آخیا، ”اے ہی وجہ اے کہ میں تُساں کی آخٹا کہ اپنی جان واسطے پریشان ناں ہویا کرو، یعنی کہ ’اساں گے کھاساں یا گے لاساں؟‘ 23 کیئانکہ جان صرف خوراک واسطے تے جسم صرف کپڑیاں واسطے نی۔ 24 پرندیاں نی مثال چائی کہنو: ناں او بیس راہنے اٹ، ناں فصل کپنے اٹ، ناں انہاں نا کوئی کھلاڑہ یا گودام ہونٹا اے۔ فر وی ربّ العالمین انہاں کی کھوالٹا اے۔ جبکہ تُساں تے پرندیاں کولوں زیادہ قیمتی او! 25 تُساں وچ ایٹے جھیا کُن اے، جیہڑا فکر کری کے اپنی عمر وچ اک سیکنڈ وی ودھائی سکٹا اے؟ 26 اس واسطے کدے تُساں اتنا جھیا کم وی نی او کری سکٹے، تے فر باقی معاملات واسطے کیئان فکر مند ہونے او؟ 27 جنگلی پھلاں پر غور کرو کہ او کس طرح بڑے ہونے اٹ۔ ناں او محنت کرنے اٹ، تے ناں ہی او اپنے واسطے کپڑے بٹنے اٹ۔ فر وی میں تُساں کی آخٹا آن کہ حضرت سلیمان باوجود اپنی ساری شان و شوکت

نے کدے اُنہاں نی طرح خوبصورت لباس نی لایا۔  
 28 کدے اللہ تعالیٰ اِس کہاہ کی جیہڑا اَج باڑیاں وچ  
 اے تے گل تَدورے وچ سٹیا جاسی، ایٹے جہیا لباس  
 لائے واسطے دیئی سکٹا، تے اے کچّے ایمان آلیو! او  
 تُساں کی اِس تُوں زیادہ بہتر لباس ناں دیسی؟ 29 اِس  
 واسطے کھائے پیٹے نیاں چیزاں نی تلاش ناں کریا کرو،  
 تے اِنہاں واسطے پریشان ناں ہویا کرو۔ 30 اِنہاں چیزاں نی  
 تلاش وچ مُشرک تے مُنکر قسم نے لوک لغے رہتے اٹ۔  
 پر تُساں نا آسمانی باپ تے پہلے تُوں اے گل جاننا اے  
 کہ تُساں کی اِنہاں ساریاں چیزاں نی لوڑ اے۔ 31 اِس نی  
 بجائے تُساں پہلے اللہ تعالیٰ نی بادشاہی نی طرف اپٹا دل  
 لاؤ، تے اے ساریاں چیزاں وی تُساں کی لبھی جاسن۔  
 32 مٹھی بھر لوکو، خوف زدہ ناں ہووو، کیئانکہ تُساں  
 نے آسمانی باپ کی خوشی اے کہ او تُساں کی اپٹی  
 بادشاہی وچ شامل کرے۔ 33 اپٹا مال و متاع بیچی کے  
 ضرورت منداں کی بندی شوڑو۔ اِس طرح تُساں اپٹے  
 واسطے ایٹے جہے بٹوے بٹاسو جیہڑے کدے وی خراب

ناں ہوسن، تے آسماناں وچ ایسے جہیا خزانہ جیہڑا کدے وی ختم ناں ہوسی، تے اُتھے ناں چوری ہوئی سکتی آے، ناں کوئی کیڑا خراب کری سکتا آے۔<sup>34</sup> اصل وچ جتھے تُساں نا خزانہ ہوسی، اُتھے ہی تُساں نا دل وی لغا رسی۔“

### جاغنے آلے نوکراں نی مثال

<sup>35</sup> ”خِدمت واسطے تیار ہوئی جاؤ تے اپٹے دِیسے ہر ویلے بالی رخو۔<sup>36</sup> تُساں اُنہاں بندیاں نی طرح ہوئی جاؤ جیہڑے اپٹے مالکے نی راہ کی تکٹے رہتے انّ کہ او کیہڑے ویلے شادی نی دعوت تُوں مڑی اچھی کے دروازہ ٹھکورسی تے او اچھی کے اُس واسطے فٹّا فٹ دروازہ کھولسن۔<sup>37</sup> خوش نصیب انّ او نوکر جنہاں نا مالک اچھٹا اے تے او اُس نے اِستقبال واسطے تیار ہوئے وے ہون۔ یقین کرو کہ مالک اُنہاں نال بہوں خوش ہوسی تے اُنہاں نی بہوں خِدمت گرسی۔<sup>38</sup> او نوکر خوش نصیب انّ جیہڑے اَدھی راتی ویلے تے سرگی ویلے وی مالکے نے اِستقبال واسطے تیار بیٹھے وے ہون۔“

39 پر اے گل یاد رَخو کہ کدے کُسے کہار نے مالک کی پتہ ہووے کہ چور کیہڑے ویلے اچھسی، تے او اپٹے کہرے وچ چوری کدے وی ناں ہون دے۔ 40 اِس واسطے تُساں وی ہر ویلے تیار رہو، کیئانکہ جس ویلے تُساں نے وَہم و گمان وچ وی ناں ہوسی، اِنِ انسان آئی جاسی۔“

41 حضرت پطرس آخیا، ”حضور، اے مثال صرف

اَساں واسطے اے، یا ساریاں لوکاں واسطے؟“

42 حضرت عیسیٰ جواب دتا، ”کدے مالک اپٹے کُسے

وفادار تے عقلمند نوکرے نے حوالے اپٹے کہار چلائے نا

نظام کرے، تے اُس نی ڈیوٹی لائے کہ او باقی سارے

نوکراں کی وقت اپر کھاٹا دے، 43 او نوکر بہوں ہی خوش

نصیب ہوسی کہ اُس نا مالک اچھے تے او اپٹے کمرے

کی چنگی طرح کرنا ہووے۔ 44 یقین کرو، مالک خوش

ہوئی کے اُسی اپٹی ساری ملکیت نا نگران بٹائی شوڑسی۔

45 پر جسے کدے او نوکر اپٹے دلے وچ اے سوچے کہ

مالک دیر نال اچھسی، او اپٹے نالے نے دُوئے نوکراں کی

مارے کُٹے، تے کھائی پی کے نشے وچ لغی جائے،



46 تے اُس نا مالک کُسے ایئے جہے دیہاڑے تے ایئے جہے ویلے اچھی جاسی کہ نوکرے کی پتہ ہی ناں ہوسی، تے ناں ہی اُسی کوئی اُمید ہوسی۔ فر مالک اُس نوکرے کی بے ایماناں نی صَف وِچ شامل کری کے بھوں ہی سخت سزا دیسی۔ 47 جس نوکرے کی پتہ ہووے کہ اُس نا مالک کے چاہٹا اے، پر فر وی ناں کوئی تیاری کرے تے ناں ہی اُس نی رَضا نے مطابق کوئی کم کرے، اُس نی سزا بھوں ہی سخت ہوسی۔ 48 اگر کُسے نوکرے کولوں لَاعِلْمی وِچ کوئی ایئے جہیا کم ہووے جیہڑا مالکے نی مرضی نے مطابق ناں ہووے، اُسی تھوڑی سزا لبھسی۔ جسی جتنا دتا جاٹا اے، اُس کولوں حساب وی اتنا ہی کہندا جاٹا اے۔ یعنی جس نے سپرد زیادہ کیتا جاٹا اے، اُس کولوں حساب وی زیادہ کہندا جاٹا اے۔“

## حضرت عیسیٰ پر ایمان رکھنے نی وجہ تُوں لوکاں نی تقسیم ہوئی اے

49 ”میں تے زیمی پر اگ لائے واسطے آیا آں! کاش کہ  
اے پہلے ہی لغی وی ہوئی! 50 پر اس تُوں پہلے مکی  
بہوں سارے دکھ تے تکلیفاں برداشت کرنیاں پیسن، تے  
جدوں تک اے ہوئی ناں جائے میں بہوں ہی برے چین آں!  
51 اے ناں سمجھو کہ مہاڑے اچھٹے نال زیمی پر امن  
ہوئی جاسی، بلکہ اختلافات فر وی رسن۔ 52 کیئانکہ  
ہُن تُوں ان بٹ شروع ہوئی جاسی۔ جس کھرے وچ پنچ  
بندے ہوسن، انہاں وچ دو اک پاسے تے ترے دُوئے  
پاسے ہوئی جاسن۔ 53 پیو اپٹے پترے نے خلاف ہوسی  
تے پتر اپٹے پیو نے خلاف، ما اپٹی تھیو نے خلاف  
ہوسی تے تھی اپٹی ماؤ نے خلاف۔ اسے طرح سس اپٹی  
نوں نے خلاف ہوسی تے نوں اپٹی سسوں نے خلاف۔“

## موجودہ حالات کی سمجھو!

54 فر حضرت عیسیٰ لوکاں کی آخیا، ”جدوں تُساں مغرب آلے پاسوں چہڑ اچھٹا تکتے او تے سمجھی جائے او کہ بارش ہوسی، تے اسرح ہی ہونا وی اے وے۔ 55 جدوں مشرق نی طرفوں ہوا اچھٹی اے تے تُساں سمجھی جائے او کہ گرمیاں اچھٹے آلیاں ان۔ فر ہونا وی اسرح ہی اے وے۔ 56 او مُناقو! تُساں آسمان کی تے زیمی کی تکی کے اندازے لائی کہننے او، پر موجودہ حالات نا مطلب کیئاں نی او سمجھتے؟“

## دُشمنان نال سمجھوتہ کرنا

57 ”تُساں آپوں صحیح فیصلہ کیئاں نی او کرنے؟ 58 کدے کوئی بندہ تُساں نے خلاف کوئی مقدمہ چلائے، تے عدالت وچ پیش ہوئے توں پہلے اُس نال سمجھوتہ کری کہنو۔ گدرے ایئے جہیا ناں ہووے کہ او تُساں کی جج کول کھڑے، جج تُساں کی پولیس نے حوالے کرے، تے پولیس تُساں کی کھڑی کے جیل وچ سٹی شوڑے۔ 59 یقیناً

---

تُساں کی اُس ویلے تک اُتھوں رہائی ناں لبھی سکسی  
جِس ویلے تک اپنرے جُرمانے نا پیسہ پیسہ ادا ناں گرسو۔“

نور-ے-کشمیر



اللہ تعالیٰ اپنا فضل ترے امن پاک نبیاں نے ذریعے انسانیت پر ظاہر  
کیتا۔ اسان نا دلی مقصد اے کہ اس پیغام کی پھیلا یا جائے۔  
اسان خوشی نال عیسیٰ المسیح نے بارے وچ تسان نال گل  
کرساں، یا تسان نال دُعا کرساں، یا تسان نی مدد کرساں۔



<https://m.me/noor3kashmir> WhatsApp +447726104324 <https://noorekashmir.com>

Copyright © 2020 Noor-e-Kashmir  
Creative Commons Attribution-NonCommercial-NoDerivatives 4.0 International  
(CC BY-NC-ND).